

INUIT ATAQATIGIIT

Inatsisartuni



04. december 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquut:

1. **Namminersorlutik Oqartussat ataanni ukioq 2017 qaammatit aqqaneq marluk iluanni inuit qanoq amerlatigisut ullut 120-t sinnerlugit napparsimasimanertik pissutigalugu suliffimminnit soraarsitaappat?**
2. **Namminersorlutik Oqartussat pigisaanni ingerlatseqatigiiffinni ukioq 2017 qaammatit aqqaneq marluk iluanni inuit qanoq amerlatigisut ullut 120-t sinnerlugit napparsimasimanertik pissutigalugu suliffimminnit soraarsitaappat?**
3. **Kommunini ukioq 2017 qaammatit aqqaneq marluk iluanni inuit qanoq amerlatigisut ullut 120-t sinnerlugit napparsimasimanertik pissutigalugu suliffimminnit soraarsitaappat?**
4. **Qaammatit aqqaneq marluk iluanni ullut 120-inik napparsimasinnaanermut killissarititap sivitsornissaa Naalakkersuisut pilersaaruteqarfigaat?**
5. **Qaammatit aqqaneq marluk iluanni ulluni 120-inik napparsimasinnaanermut killissarititap atorunnaarsinnissaa Naalakkersuisut pilersaarutigaa?**

(Inatsisartuni ilaasortaq Sofia Geisler, Inuit Ataqatigiit)

Tunggavilersuut:

Nunatsinni nappaassuup kræftip atugaanerata nunani avannarlerni annerunerpaajunera pillugu kisitsisit ukiap ingerlanerani saqqummiunneqarput. Kræftip atugaaleraluttuinnarnera tusartarparput, soorluttaaq inuusaatsip allanngornerata kingunerisaanik nappaatit allat, siornatigut inuiaat kalaallit atugarisimanngisat - uummallunnerit il.il. – atugaanerata annerusiartortoq.

Inuit nappaassuarnik eqqugaanertik pissutigalugu siviisoorsuarmik katsorsarneqartariaqartarnerat ajoraluartumik takornataajunnaarpoq, taakkulu ilaatigut illoqarfitsik qimallugu katsorsarneqartariaqarnertik pissutigalugu suliffimminnit piumassuserinngisaminnik piffissami sivisuumi sulinnikkallartariaqartarput.

Taamaammat paaserusuppara nunatsinni inuit qassit aalajangersakkat atuuttut patsisigalugit soraarsinneqartarnerut. Aamma paaserusuppara nappaammik eqqugaanermi ullut killissarititaasut sivitsorneqarnissaannik imaluunniit atorunnarsinneqarnissaannik Naalakkersuisut pilersaaruteqarnerut.